



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 15. Quæstio secunda.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII
A. C. 655.

§. XV.

Quæstio secunda.

Sequente die Sabbati S. Maximus & Anastasius Discipulus ejus iterum in Palatium perducuntur. Prior Anastasius in Triclinium ingredi jubetur, ubi duo Patriarchæ erant, scilicet Petrus Constantinopolitanus, & Macarius Patriarcha Titularis Antiochenus, Constantinopoli residens, & zelosissimus Monothelita. Introducuntur Constantinus & Menas, qui Maximum accusabant, & cogere Anastasium volebant, ut a se dicta confirmaret. At ipse constanter Senatoribus ingessit: *Constantinum in Aulam secretam Palatii introducitis? nec Presbyter est, nec Monachus, sed in spectaculis ludicris Tribunus. Notissimæ sunt in Africa & Romæ pellices, quas alebat, quando venit. Neminem fefellerunt mendacia, quibus infamiæ cognitionem hominibus subtrahere satagebat; jam dicebat, esse sorores suas, jam se eas adduxisse, nec cum Ecclesia Constantinopolitana communicarent. Postquam Pecunias belluando consumpserit, & in locum, ubi ignotus sit, pervenerit, eandem haud dubie vita licentiam sectabitur. Quæsierunt ex Anastasio, an Typum anathematizasset. Id se fecisse fassus est, & postquam*

ad alias quasdam quæstiones respondisset, jubetur e Triclinio exire.

Sæculum VII
A. C. 655.

Vocatur S. Maximus, ad quem Troilus: *Abba! edic, quod verum est, & Imperator miserebitur tui. Nam si Causam tuam secundum rigorem justitiæ examinaverimus, & vel unicus Articulus, in quo accuseris, probetur, leges ad mortem te damnant.* Respondit: *Dixi jam, & iterum dico, si vel unicus Articulus verus est, Satanus Deus est.* Sed facite, *quod vobis lubet, fidei Dei Servo nihil nocere potest.* Troilus dixit: *An non Typum anathematizasti?* Respondit: *Sæpius tibi fassus sum, quod anathematizaverim.* Troilus: *Typum anathematizasti? ergo Imperatorem anathematizasti.* S. Maximus: *Imperatorem non anathematizavi, sed Scriptum Fidei Catholicæ contrarium.* Troilus: *Ubi hoc scriptum fuit anathematizatum?* S. Maximus: *In Concilio Romano in Ecclesia S. Salvatoris & in Ecclesia Matris Dei.* Tum Præfectus ad eum: *An cum Ecclesia hac communicas, vel non?* Respondit: *Non communico.* Præfectus: *Quare non?* S. Maximus: *Quia Concilia rejecit.* Troilus: *Quomodo ergo in Diptychis recitantur?* S. Maximus: *Quid profit nomina recitare, si Doctrina damnetur?* Troilus: *An, quod dicis demonstrare potes?*

Sæculum VII *tes? S. Maximus: Si loquendi libertatem datis, facillime demonstrabo.*
A. C. 655.

Ad hæc omnes conticuerunt. Tum Sacellarius ad S. Maximum: *Quæ causa est, quod Romanos ames, & Græcos oderis?* Respondit: *Lex Divina vetat, quemquam odisse; amo Romanos, quia eandem Fidem teneo, & Græcos, eandem linguam loquens.* Sacellarius dixit: *Quot annos ætatis numeras?* Respondit: *Septuaginta quinque. Quanto tempore Discipulus tuus tecum est? annis triginta septem.* Hic Clericorum aliquis exclamavit: *Reddidit tibi Deus mala, quæ Beato Pirrbo intulisti.* Cui S. Maximus non respondit. Et duo Patriarchæ toto hujus colloquii tempore nullam vocem ediderunt. Sed cum de Concilio Romano mentio facta est, Demosthenes exclamavit: *Nullum est illud Concilium, quia ille, qui convocavit, depositus fuit!* S. Maximus: *Non fuit depositus, sed persecutionem passus est; quod enim Judicium juxta Leges & Canones celebratum, ut depositus haberi possit? & licet etiam canonicè depositus fuisset, nihilominus ea, quæ circa Fidem secundum Canones definita fuerunt, rata permanent, quia sunt consentanea illis, quæ Theodorus Papa Sanctæ Memorix scripsit.* Tunc Troilus Patricius dixit: *Abba! nescis, quid dicas; factum infectum fieri nequit.*

§. XVI.